

KRi-227

ॐ

कलशपूजोपयोगि

ऋचकम्

अत्र संस्कर्ता गणेशघाट्टवास्तव्यः कल्लेत्युपाहः

पण्डित नाथराम शास्त्री

मुद्रापकः

पण्डित काशीनाथ चरागी महावीर बाज़ार

हवा कदल श्रीनगर

शाकाब्दः १८६१

संवत् १९९६

मूल्यम्

आना २/-

१८५५

१८

विश्वविद्यालय

मुंबई

विश्वविद्यालय मुंबई

मुंबई

विश्वविद्यालय मुंबई

मुंबई

मुंबई


मुंबई

मुंबई

मुंबई

ॐ

## श्रीगणेशायनमः ॥



ॐकारो यस्य मूलं क्रमपदजठरं छन्दविस्तीर्णशाखा ऋक्पत्रं  
सामपुष्पं यजुर्वितफलं स्यादथर्वा प्रतिष्ठा । यज्ञश्चाया सुश्वेतै-  
र्द्विजगणमधुपैर्गीयते यस्य नित्यं शक्तिः सन्ध्या त्रिकालं दुरित-  
भयहरः पातु नो वेदवृक्षः ॥

सच्छायः स्थिरधर्ममूलवलयः पुण्यालवालान्वितो धीविद्या-  
करुणाक्षमादिविलसद्विस्तीर्णशाखाश्रितः । सन्तोषोज्ज्वलपल्लवः  
शुचियशःपुष्पः सदा सत्फलः सर्वाशापरिपूरको विजयते श्रीवे-  
दकल्पद्रुमः ॥

मूलाधाराद्भुतवहकलामिश्रितं भूर्भुवःस्वर्ब्रह्मस्थानात्परमग-  
हनात्तत्सवितुर्वरेण्यम् । भर्गो देवः शशिकलमयी धीमहीत्येकखपं  
धियो यो नः पिव तदमृतं चोदयान्नः परंतत् ॥

मुक्ताविट्टमहेमनीलधवलच्छायैर्मुखैस्त्रीक्ष्णैर्यु-  
क्तामिन्दुनिबद्धरत्नमुकुटां तत्त्वात्मवर्णात्मिकाम् ।

गायत्रीं वरदाभयांकुशकरां शूलं कपालं गुणं  
शङ्खं चक्रमथारविन्दयुगलं हस्तैर्वहन्तीं भजे ॥

आयातु वरदा देवी त्र्यक्षरा ब्रह्मवादिनी ।  
गायत्रि च्छन्दसां मातर्ब्रह्मयोने नमोस्तु ते ॥

॥ ऋचकम् ॥

ओजोऽसीति गायत्रीमावाह्य  
देवानामार्षम् ॥



ओजोऽसि सहोऽसि बलमसि आजोऽसि देवानां धाम नामा-  
 सि विश्वमसि विश्वायुः सर्वमसि सर्वायुरभिभूः ॐ भूः ॐ भुवः  
 ॐ स्वः ॐ महः ॐ जनः ॐ तपः ॐ सत्यं ॐ तत्सविसतुर्वरेण्यं  
 भर्गो देवस्य धीमहि धियो यो नः प्रचोदयात् ॐ ॥

खस्त्यात्रेयः (विश्वेदेवाः) पातयन्तमग्नेः पञ्चोनाश्चतस्रो गाय-  
 त्र्यः षड्गुणिहश्चतस्रस्त्रिष्टुभोऽनुष्टुभौ बृहती च ॥

स्वस्ति नो मिमीतामश्विना भगः स्वस्ति देव्यदिति रनर्वणः ।  
 स्वस्ति पूषा असुरो दधातु नः स्वस्ति द्यावापृथिवी सुचेतना ॥  
 स्वस्तये वायुमुपव्रवामहै सोमं स्वस्ति भुवनस्य यस्पतिः । बृह-  
 स्पतिं सर्वगणं स्वस्तये स्वस्तय आदित्यासो भवन्तु नः ॥ विश्वे  
 देवा नो अद्या स्वस्तये वैश्वानरो वसुरग्निः स्वस्तये । देवा अव-  
 न्तवृभवः स्वस्तये स्वस्ति नो रुद्रः पातवंहसः ॥ स्वस्ति मित्रावरु-  
 णा स्वस्ति पथ्ये रेवति । स्वस्ति न इन्द्रश्चाग्निश्च स्वस्ति नो अ-  
 दिते कृधि ॥ स्वस्ति पन्थामनुचरेम सूर्याचन्द्रमसाविव । पुन-

देदता घृता जानता सङ्गमेमहि ॥ स्वस्त्ययनं ताक्ष्यमरिष्टनेमि  
महद्भूतं वायसं देवतानाम् ॥ असुरघ्नमिन्द्रसखं समत्सु बृहद्य-  
शो नावमिवारुहेम ॥ अंहोमुचमाङ्गिरसं गयं च स्वस्त्यात्रेयं मन-  
सा च ताक्ष्यम् । प्रयतपाणिः शरणं प्रपद्ये स्वस्ति सम्बाधेऽव-  
भयं नो अस्तु (कल्याणमस्तु) ॥

कनिक्रदत्तृचं प्रदक्षिणिज्जागतं मध्येऽतिशक्यपिर्वेताभ्यामृषि-  
रध्वनि वाशमानं शकुन्तं तुष्टाव कुशिकस्त्वैषीरथिरिन्द्रतुल्यं पुत्र-  
मिच्छंस्तपस्तेपे तस्येन्द्र इव गाधीपुत्रो जज्ञे गाधिनो विश्वामित्रः  
स तृतीयं मण्डलमपश्यत् ॥

(कनिक्रददिति तृचं सूक्तं गृत्समदः शकुन्त इन्द्रस्त्रिष्टुप्) ॥  
कतिक्रदज्जनुषं प्रब्रुवाण इयति वाचमरितेव नावम् । सुम-  
ङ्गलश्च शकुने भवासि मा त्वा कचिदभिभा विश्व्या विदत् ॥  
मा त्वा श्येन उद्वधीन्मा सुपर्णो मा त्वा विददिषुमान्वीरो अस्ता ।  
पित्र्यामनु प्रदिशं कनिक्रदत्सुमङ्गलो भद्रवादी वदेह ॥



अव कन्दन्दक्षिणतो गृहाणां सुमङ्गलो भद्रवादी शकुन्ते ।  
मा नः स्तेन ईशत माघशंसो बृहद्वदेम विदथे सुवीराः ॥

(प्रदक्षिणिदिति तृचं सूक्तं गृत्समदः शकुन्तो जगती द्विती-  
यातिशकर्यष्टिर्वा)

प्रदक्षिणिदभिगृणन्ति कारवो वयो वदन्त क्रतुथा शकुन्त-  
यः । उभे वाचौ वदति सामगा इव गायत्रं च त्रैष्टुभं चानु  
राजति ॥ उद्गातेव शकुने साम गायसि ब्रह्मपुत्र इव सवनेषु  
शंससि । वृषेव वाजी शिशुमतीरपीत्या सर्वतो नः शकुने । भद्रमा  
वद विश्वतो नः शकुने पुण्यमा वद ॥ भद्रं वद दक्षिणतो भद्र-  
मुत्तरतो वद । भद्रं पुरस्तान्नो वद भद्रं पश्चात्कपिञ्जल ॥ भद्रं वद  
पुत्रैर्भद्रं वद गृहेषु च । भद्रमस्माकं वद भद्रं नो अभयं वद ॥ भद्र-  
मधस्तान्नो वद भद्रमुपरिष्ठान्नो वद । भद्रं भद्रन्न आवद भद्रं नः  
सर्वतो वद ॥ असपत्नं पुरस्तान्नः शिवं दक्षिणतस्कृधि । अभयं  
सततं पश्चाद्भद्रमुत्तरतो गृहे ॥ यौवनानि महयसि जिग्युषामिव

दुन्दुभिः । शकुन्तक प्रदक्षिणं शतपत्राभि नो वद ॥ आवदँस्त्वं  
शकुने भद्रमावद तूष्णीमासीनः सुमतिं चिकिद्भि नः । यदुत्प-  
तन्वदसि कर्करिर्यथा वृहद्वदेम विदथे सुवीराः ॥

ऐन्द्रवायव्ये ( वैश्वदेवाः सारस्वताः ) द्यावापृथिव्यावन्त्य-  
स्तृचो हविर्धानि वा तस्य तृतीयः पादो वाग्नेयोऽम्बितमे द्वेऽनु-  
ष्टुभौ वृहत्यष्टमी शेषं गायत्रम् ॥

इन्द्रश्च मृळयाति नो न नः पश्चादधं नशत् । भद्रं भवाति  
नः पुरः ॥ इन्द्र आशाभ्यस्परि सर्वाभ्यो अभयं करत् । जेता  
शत्रून्विचर्षणिः ॥ विश्वेदेवास आगत शृणुता म इमं हवम् ।  
इदं बर्हिर्निषीदत ॥ तीव्रो वो मधुमाँ अयं शुनहोत्रेषु मत्सरः ।  
एतं पिवत काम्यम् ॥ इन्द्रज्येष्ठा मरुद्गणा देवासः पूषरातयः । विश्वे  
मम श्रुता हवम् ॥ अम्बितमे नदीतमे देवितमे सरस्वति । अप्र-  
शस्ता इव स्मसि प्रशस्तिमम्ब नस्कृधि ॥ त्वे विश्वा सरस्वति  
श्रितायैषि देव्याम् । शुनहोत्रेषु मत्स्व प्रजां देवि दिदिद्भि नः ॥



इमा ब्रह्म सरस्वति जुषस्व वाजिनीवति । या ते मन्म गृत्स-  
मदा कृतावरि प्रिया देवेषु जुहति ॥ प्रेतां यज्ञस्य शम्भुवा युवा-  
मिदा वृणीमहे । अग्निं च हव्यवाहनम् ॥ द्यावा नः पृथिवी इमं  
सिध्ममद्य दिविस्पृशम् । यज्ञं देवेषु यच्छताम् ॥ आ वासुपस्थम-  
द्रुहा देवाः सीदन्तु यज्ञियाः । इदाद्य सोमपीतये ॥

आ नो दश (गौतमो) वैश्वदेवन्तु द्वि त्रिष्टुबन्तमाद्यास्तु-  
चाः पञ्चमी सप्तमी जगत्यः षष्ठी विरटस्थाना ॥

आ नो भद्राः कृतवो यन्तु विश्वतोऽदब्धासो अपरीतास  
उद्भिदः । देवा नो यथा सदमिद्वृधे असन्नप्रायुवो रक्षितारो दिवे  
दिवे ॥ देवानां भद्रा सुमतिर्ऋजूयतां देवानां रातिरभि नो नि-  
वर्तताम् । देवानां सख्यमुप सेदिमा वयं देवा न आयुः प्रति-  
रन्तु जीवसे ॥ तान्पूर्वया निविदा हूमहे वयं भगं मित्रमदिति  
दक्षमस्त्रिधम् । अर्यमणं वरुणं सोममश्विना सरस्वती नः सुभ-

गा मयस्करत् ॥ तन्नो वातो मयोभु वातु भेषजं तन्माता पृथि-  
 वी तत्पिता धीः । तद्ग्रावाणः सोमसुतो मयोभुवस्तदश्विना शृ-  
 णुतं धिष्ण्या युवम् ॥ तमीशानं जगतस्तस्थुषस्पतिं धियञ्जिन्व-  
 मवसे हूमहे वयम् । पूषा नो यथा वेदसामसद्वृधे रक्षिता पा-  
 युरदब्धः स्वस्तये ॥ स्वस्ति न इन्द्रो वृद्धश्रवाः स्वस्ति नः पूषा  
 विश्ववेदाः । स्वस्ति नस्तार्क्ष्यो अरिष्टनेमिः स्वस्ति नो बृहस्पतिर्द-  
 धातु ॥ पृषदश्वा मरुतः पृश्निमातरः शुभंयावनो विदथेषु जग्म-  
 यः । अग्निजिह्वा मनवः सूरचक्षसो विश्वे नो देवा अवसा गमन्निह ॥  
 भद्रं कर्णेभिः शृणुयाम देवा भद्रं पश्येमाक्षिभिर्यजत्राः । स्थिरै-  
 रङ्गैस्तुष्टुवांसस्तनूभिर्व्यशेम देवहितं यदायुः ॥ शतमिन्नु शरदो  
 अन्तिदेवा यत्रा नश्चक्रा जरसं तनूनाम् । पुत्रासो यत्र पितरो भ-  
 वन्ति मा नो मध्या रीरिषतायुर्गन्तोः ॥ अदितिर्द्यौरदितिरन्तरि-  
 क्षमदितिर्माता स पिता स पुत्रः । विश्वे देवा अदितिः पञ्च जना  
 अदितिर्जातमदितिर्जनित्वम् ॥



अग्निर्वायुश्च सूर्यश्च वरुणः साम एवच ।

ब्रह्म राज्ञे रथश्चैवमित्यष्टावग्निभद्रकम् ॥

अग्नये समनमत्पृथिव्यै समनमद्यथाग्निः पृथिव्या सम-  
नमदेवं मह्यं भद्राः संनतयः संनमन्तु ॥ वायवे समनमदन्तरिक्षा-  
य समनमद्यथा वायुरन्तरिक्षेण समनमदेवं मह्यं भद्राः संनतयः  
संनमन्तु ॥ सूर्याय समनमदिवे समनमद्यथा सूर्यो दिवा समन-  
मदेवं मह्यं भद्राः संनतयः संनमन्तु ॥ वरुणाय समनमदज्यः स-  
मनमद्यथा वरुणोऽद्भिः समनमदेवं मह्यं भद्राः संनतयः संनमन्तु  
साग्ने समनमदृचे समनमद्यथा सामर्चा समनमदेवं मह्यं भद्राः संन-  
तयः संनमन्तु ॥ ब्रह्मणे समनमत्तत्राय समनमद्यथा ब्रह्मक्षत्रेण  
समनमदेवं मह्यं भद्राः संनतयः संनमन्तु ॥ राज्ञे समनमद्विशे स-  
मनमद्यथा राजा विशा समनमदेवं मह्यं भद्राः संनतयः संनम-  
न्तु ॥ रथाय समनमदश्वेभ्यः समनमद्यथा रथोऽश्वैः समनमदेवं  
मह्यं भद्राः संनतयः संनमन्तु ॥



भद्रो नो अग्निः सुहवो विभावसुर्भद्र इन्द्रः पुरुहूतः पुरुषुतः ।  
 भद्रः सूर्य उरुचक्षा उरुयचा भद्रश्चन्द्रमाः सँमितेषु जागृविः ॥  
 भद्रः प्रजा अजनयन्नः प्रजापतिर्भद्रः सोमः पवमानो वृषा हरिः  
 भद्रस्त्वष्टा विदधद्रूपाण्यद्भुतो भद्रो नो धाता वरिवस्यतु प्रजाः ॥  
 भद्रस्तादर्यः सुप्रजस्त्वाय नो महानरिष्टनेमिः पृतना युधा जयन् ।  
 भद्रो वायुर्मातरिश्वा नियुत्पतिर्वेनो गयस्फान उशन्सदास्तु नः ॥  
 भद्रो मित्रो वरुणो रुद्र इद्वृधा भद्रोऽहिर्वृध्न्यो भुवनस्य रक्षिता ।  
 भद्रो नो वास्तोष्पतिरस्त्वमीवहा भद्रः क्षेत्रस्य पतिर्विचर्षणिः ॥  
 भद्रो विभुर्विश्वकर्मा बृहस्पतिर्भद्रो द्विषस्तपनो ब्रह्मणस्पतिः । भद्रः  
 सुपर्णो अरुणो मरुत्सखा भद्रो नो वातो अभिवातु भेषजी ॥ भद्रो  
 दधिका वृषभः कनिकदद्भद्रः पर्जन्यो बहुधा विराजति । भद्रः  
 सरस्वाँ उत नः सरस्वती भद्रोर्वशी भद्र इन्द्रः पुरुरवाः ॥ भद्रो  
 नः पूषा सविता यमो भगो भद्रोऽज एकपादर्यमा मनुः । भद्रो विष्णु-  
 रुरुगायो वृषा हरिर्भद्रो विवस्वाँ अभिवातु नस्तमना ॥ भद्रा गायत्री

ककुबुष्णिहा विराड्भद्रानुष्टुब्बहती पङ्क्तिरस्तु नः । भद्रा नस्त्रि-  
 ष्टुब्जगती पुरुप्रिया भद्रातिच्छन्दा बहुधा विभूवरी ॥ भद्रा नो  
 राकानुमतिः कुहूः सुहृद्भद्रा सिनीवात्यदितिर्मही ध्रुवा । भद्रा नो  
 धौरन्तरिक्षं मयस्करं भद्रोशोदक्षस्तनयाय नस्तुजे ॥ भद्रो नः प्राणः  
 सुमनाः सुवागसद्भद्रो अपानः सतनोस्सहात्मना । भद्रं चक्षुर्भद्र-  
 मिच्छोत्रमस्तु नो भद्रन्न आयुश्शरदो असच्छताम् ॥ भद्रेन्द्राग्नी नो  
 भवतामृतावृधा भद्रा नो मित्रावरुणा धृतव्रता । भद्राश्विना नो भव-  
 तां नवेदसा भद्रा द्यावापृथिवी विश्वशम्भुवा ॥ भद्रा न इन्द्रावरुणा-  
 रिषादसा भद्रा न इन्द्रा भवतां बृहस्पती । भद्रेन्द्राविष्णू सवनेष्व-  
 यावृधा भद्रेन्द्रासोमायुधि दस्युहन्तमा ॥ भद्राग्नाविष्णू विदधस्य  
 प्रसाधना भद्रा नोऽग्नीन्द्रा वृषभा दिवस्पती । भद्रा नो अग्नीवरुणा  
 प्रचेतसा भद्राग्नीषोमा भवता नवेदसा ॥ भद्रा सूर्याचन्द्रमसा कवि-  
 क्रतू भद्रा सोमा भवतां पूषणा नः । भद्रेन्द्रावायू पृतनास्वसासही  
 भद्रा सूर्याग्नी अजिता धनञ्जया ॥ भद्रा नः सन्तु वसवो वसु-



प्रजा भद्रा रुद्रावृत्रहणा पुरन्धरा । भद्रा आदित्याः स्वपसः सुनी-  
 तयो भद्रा राजानो मरुतो विरप्सिनः ॥ भद्रा न ऊमाः सुहवाः  
 शतश्रियो विश्वेदेवा मनवश्चर्षणीधृतः । भद्राः साध्या अभिभवः  
 सूरचक्षसो भद्रा नः सन्त्वृभवो रत्नधातमा ॥ भद्राः सर्वे वाजिनो  
 वाजसातयो भद्रा ऋषयः पितरो गभस्तयः । भद्रा भृगवोऽङ्गिरसः  
 सुदानवो भद्रा गन्धर्वाप्सरसः सुदंससः ॥ भद्रा आपः शुचयो  
 विश्वभृत्तमा भद्राः शिवा यक्ष्मनुदो न ओषधीः । भद्रा गावः सुर-  
 भयो वयोवृधो भद्रा योषा उशतीर्देवपत्नयः ॥ भद्राणि सामानि  
 सदा भवन्तु नो भद्रा अथर्वाण ऋचो यजूंषि नः । भद्रा नक्षत्राणि  
 शिवानि विश्वा भद्रा आशा अहुताः सन्तु नो हृदि ॥ संवत्सरा न  
 ऋतवो मयोभुवो युवा आयुवाः सुसराण्युत क्षपाः । सुहृताः  
 काष्ठाः प्रदिशो दिशश्च सदा भद्राः सन्तु द्विपदे चतुष्पदे ॥ भद्रं  
 पश्येम प्रवरेम भद्रं भद्रं वदेम शृणुयाम भद्रं । तन्नो मित्रो  
 वरुणो मा महन्तामदितिः सिन्धुः पृथिवी उत द्यौः ॥



आग्नेय्यौ द्वे देवीनामेकेन्द्राणीवरुणान्यग्रायीनां द्यावापृथिव्यौ  
पार्थिवी षड्वैष्णव्योऽतो देवा देवी वा गायत्री ॥

अभि नो देवीरवसा महः शर्मणा नृपतीः । अच्छिन्नपत्राः  
सचन्ताम् ॥ इहेन्द्राणीमुप ह्वये वरुणानीं स्वस्तये । अग्रायीं सोम-  
पीतये ॥ मही द्यौः पृथिवी च न इमं यज्ञं मिमिक्षताम् । पिपृतां नो  
भरीमभिः ॥ तयोरिद्घृतवत्पयो विप्रा रिहन्ति धीतिभिः । गन्ध-  
र्वस्य ध्रुवे पदे ॥ स्योना पृथिवी भवानृक्षरा निवेशनी । यच्छा नः  
शर्म सप्रथः ॥ अतो देवा अवन्तु नो यतो विष्णुर्विचक्रमे । पृथि-  
व्याः सप्तधामभिः ॥ इदं विष्णुर्विचक्रमे त्रेधा निदधे पदम् ।  
समूढमस्य पांसुरे ॥ त्रीणि पदा वि चक्रमे विष्णुर्गोपा अदाभ्यः ।  
अतो धर्माणि धारयन् ॥ विष्णोः कर्माणि पश्यत यतो व्रतानि  
पस्पृशे । इन्द्रस्य युज्यः सखा ॥ तद्विष्णोः परमं पदं सदा पश्यन्ति  
सूरयः । दिवीव चक्षुराततम् ॥ तद्विप्रासो विपण्यवो जागृवांसः  
समिन्धते । विष्णोर्यत्परमं पदम् ॥

गायत्र्यै नमः ॐ भूर्भुवः स्वः तत्सवितुर्वरेण्यं भर्गो देवस्य  
धीमहि धियो यो नः प्रचोदयात् ३ । अश्वमेधे घोराणामर्षम् ॥

द्रष्ट्रे नम उप द्रष्ट्रे नमोऽनुद्रष्ट्रे नमः ख्यात्रे नम उपख्यात्रे  
नमोऽनुख्यात्रे नमः शृणवते नम उपशृणवते नमः सते नमोऽसते  
नमो जाताय नमो जनिष्यमाणाय नमो भूताय नमो भविष्यते  
नमश्चक्षुषे नमः श्रोत्राय नमो मनसे नमो वाचे नमो ब्रह्मणे  
नमः श्रान्ताय नमस्तपसे नमः ॥

भूतं भव्यं भविष्य-  
द्वषट्स्वाहा नम ऋक्साम यजुर्वषट्स्वाहा नमो गायत्री त्रिष्टुब्-  
जगती वषट्स्वाहा नमः पृथिव्यन्तरिक्षं द्यौर्वषट्स्वाहा नमोऽन्नं  
कृषिर्वृष्टिर्वषट्स्वाहा नमः पिता पुत्रः पौत्रो वषट्स्वाहा नमः प्राणो  
व्यानोऽपानो वषट्स्वाहा नमो भूर्भुवः स्वर्वषट् स्वाहा नमः ॥

यो विश्वचक्षुरुत विश्वतो मुखो विश्वतो हस्त उत विश्व-  
तस्पात् । सम्बाहुभ्यां नमते संय्यजत्रैर्द्यावापृथिवी जनयन्देव  
एकः ॥ आ ब्रह्मन्ब्राह्मणो ब्रह्मवर्चसी जायतामस्मिन्नाष्ट्रे राजन्य



इषव्यः शूरो महारथो जायतां दोग्ध्री धेनुर्वोढानड्वानाशुः स-  
 मिर्जिष्णा रथेष्ठाः पुरन्धिर्योषा सभेयो युवास्य यजमानस्य वीरो  
 जायतां निकामे निकामे नः पर्जन्यो वर्षतु फलवत्यो न ओषधयः  
 पच्यन्तां योगक्षेमो नः कल्पताम् ॥ इषे त्वोर्जेति ब्रह्मणः  
 (सर्ववेदो ब्रह्मणः) ॥ इषे त्वोर्जे त्वा वायवः स्थोपायवः स्थ  
 देवो वः सविता प्रार्पयतु श्रेष्ठतमाय कर्मणे ॥ आप्यायध्वमघ्न्या  
 देवभागं प्रजावतीरनमीवा अयक्ष्माः ॥ मा वस्तेन ईशत माघशंसः  
 परि वो रुद्रस्य हेतिवृणक्तु ॥ ध्रुवा अस्मिन्गोपतौ स्यात बह्नीर्य-  
 जमानस्य पशून्पाहि यजमानस्य पशुपा असि ॥ देवस्य त्वा स-  
 वितुः प्रसवेऽश्विनोर्बाहुभ्यां पूष्णो हस्ताभ्यामाददे घोषदसि प्र-  
 त्युष्टं रक्षः प्रत्युष्टारातिः प्रेयमगाद्विषणा बर्हिरच्छ मनुना कृता  
 स्वधया वितष्टा ॥ उर्वन्तरिक्षं वीहीन्द्रस्य परिपूतमसि माघो मो-  
 परि परुस्त ऋद्ध्या स मा च्छेत्ता ते मा रिषत् ॥ देवबर्हिः शत-  
 वल्शं विरोह सहस्रवल्शा वि वयं रुहेम ॥ अदित्या रास्नासी-



न्द्राण्याः सन्नहनं पूषा ते ग्रन्थिं ग्रश्नातु स ते मा स्थादिन्द्रस्य  
 त्वा बाहुभ्यामुद्यच्छे वृहस्पतेस्त्वा मूर्ध्ना हरामि देवङ्गममसि ॥ तदा-  
 हरन्ति कवयः पुरस्तादेवेभ्यो जुष्टमिह बर्हिरासदे । वसोः पवित्रमसि  
 शतधारं वसूनां पवित्रमसि सहस्रधारम् ॥ अयक्ष्मा वः प्रजया  
 संसृजामि रायस्पोषेण बहुला भवन्तीः । मधुमद्घृतवत्पिन्व-  
 माना जीवा जीवन्तीरुप वः सदेम ॥ मातरिष्वनो घर्मोऽसि द्यौरसि  
 पृथिव्यसि विश्वधायाः परेण धाम्ना हुतासि मा हाः सा विश्वा-  
 युः सा विश्वव्यचाः सा विश्वधाया हुतस्तोको हुतो द्रप्सोऽग्नये  
 वृहते नाकाय स्वाहा द्यावापृथिवीभ्याम् ॥ सम्पृच्यध्वमृतावरीऊ-  
 र्मिणीर्मधुमत्तमा मन्दा धनस्य सातयः ॥ इन्द्रस्य त्वा भागं सोमे-  
 नातनच्छम्यदस्तमसि विष्णवे विष्णो हव्यं रक्षस्वापो जागृत ॥

महि त्रीणामवोऽस्तु शुक्षं मित्रस्यार्यम्णः । दुराधर्षं वरुण-  
 स्य ॥ नहि तेषाप्रमा चन नाध्वसु वारणेषु । ईशे रिपुरघर्षांसः यस्मै  
 पुत्रासो अदितेः प्रजीवसे मर्त्याय ज्योतिर्यच्छन्त्यजस्रम् ॥ सोमानं

स्वरणं कृणुहि ब्रह्मणस्पते । कक्षीवन्तं य औशिजः ॥ यो रेवान्यो  
असीवहा वसुवित्पुष्टिवर्धनः । स नः सिषक्तु यस्तुरः ॥ मा नः  
शंसो अरुषो धूर्तिः प्राणद्व्यस्य । रक्षा णो ब्रह्मणस्पते ॥

सं वः सृजामि हृदयं संसृष्टं मनो अस्तु वः । सं सृष्टास्त-  
न्वः सन्तु वः सं सृष्टः प्राणो अस्तु वः ॥ सं यावः प्रियास्तन्वः  
सं प्रिया हृदयानि वः । आत्मा वो अस्तु सं प्रियः सं प्रियास्त-  
न्वो मम ॥ अग्नेरायुरसि तस्य ते मनुष्या आयुष्कृतस्ते-  
नास्मा अमुष्मा आयुर्धेहि ॥ इन्द्रस्य प्राणः स ते प्राणं ददातु  
यस्य प्राणस्तस्मै ते स्वाहा ॥ पितॄणां प्राणस्ते ते प्राणं ददातु येषां  
प्राणस्तेभ्यो वः स्वाहा ॥ मरुतां प्राणस्ते ते प्राणं ददातु येषां प्रा-  
णस्तेभ्यो वः स्वाहा ॥ विश्वेषां देवानां प्राणस्ते ते प्राणन्ददातु  
येषां प्राणस्तेभ्यो वः स्वाहा ॥ प्रजापतेः परमेष्ठिनः प्राणः स ते  
प्राणन्ददातु ययोः प्राणस्ताभ्यां वां स्वाहा ॥ यदसर्पस्तत्सर्पिरभ-  
वो यन्नवमैस्तन्नवनीतमभवो यदग्नियथास्तद्घृतमभवः । घृतस्य



धाराममृतस्य पन्थामिन्द्रेण दत्तं प्रयतं मरुद्भिः । तत्त्वा विष्णुर-  
 न्वपश्यत्तत्त्वेष्ठा गव्यैरयत् ॥ पावमानेन त्वा स्तोमेन गायत्र्या  
 वर्तन्योपांशोर्वीर्योणोद्धराम्यसौ ॥ बृहता त्वा रथन्तरेण त्रिष्टुभा  
 वर्तन्या श्रुकस्य वीर्योणोत्सृजाम्यसौ ॥ अग्नेस्त्वा मात्रया जगत्या  
 वर्तन्या देवस्त्वा सवितोन्नयतु जीवातवे जीवनस्याया असौ । देवा  
 आयुष्मन्तस्तेऽमृतेनायुष्मन्तस्तेषामयमयुषायुष्मानस्त्वसौ ॥ ब्र-  
 ह्मायुष्मन्तद्ब्राह्मणैरायुष्मन्तस्यायमायुषायुष्मानस्त्वसौ ॥ अग्नि-  
 रायुष्मान्स वनस्पतिभिरायुष्माँस्तस्यायमायुषायुष्मानस्त्वसौ ॥  
 यज्ञ आयुष्मान्स दक्षिणाभिरायुष्माँस्तस्यायमायुषायुष्मानस्त्वसौ  
 सोम आयुष्मान्स ओषधीभिरायुष्माँस्तस्यायमायुषायुष्मानस्त्वसौ  
 ओषधय आयुष्मतीस्ता अद्विरायुष्मतीस्तासामयमयुषायुष्मान-  
 स्त्वसौ ॥ इममग्न आयुषे वर्चसे कृधि तिग्ममोजो वरुण सं शि-  
 शाधि । मातेवास्मा अदिते शर्म यच्छ विश्वे देवा जरदष्टिर्यथा  
 सत् ॥ अश्विनोः प्राणस्तौ ते प्राणं दत्तां तेन जीव मित्रावरुणयोः



प्राणस्तौ ते प्राणं दत्तां तेन जीव बृहस्पतेः प्राणः स ते प्राणं ददातु  
 तेन जीव ॥ ये देवाः पुरः सदोऽग्निनेत्रा रक्षोहणस्ते नः पान्तु  
 ते नोऽवन्तु तेभ्यः स्वाहा ॥ ये देवा दक्षिणात्सदो यमनेत्रा रक्षोह-  
 णस्ते नः पान्तु ते नोऽवन्तु तेभ्यः स्वाहा ॥ ये देवाः पश्चात्सदो  
 मरुत्तेत्रा रक्षोहणस्ते नः पान्तु ते नोऽवन्तु तेभ्यः स्वाहा ॥ ये देवा  
 उत्तरात्सदो मित्रावरुणनेत्रा रक्षोहणस्ते नः पान्तु नोऽवन्तु तेभ्यः  
 स्वाहा ॥ ये देवा उपरिषदः सोमनेत्रा अवस्वदन्तो रक्षोहणस्ते नः  
 पान्तु ते नोऽवन्तु तेभ्यः स्वाहा ॥ इदमहं रक्षोभिः समूहाम्यग्रे स-  
 न्दह रक्षः सन्दग्धं रक्षोघ्ने पुरः सदे रक्षोघ्ने स्वाहा ॥ यमाय दक्षि-  
 णात्सदे रक्षोघ्ने स्वाहा ॥ मरुद्भ्यः पश्चात्सद्भ्यो रक्षोहभ्यः स्वाहा ॥  
 मित्रावरुणाभ्यामुत्तरात्सद्भ्यां रक्षोहभ्यां स्वाहा ॥ सोमायोपरिषदे-  
 ऽवस्वदते रक्षोघ्ने स्वाहा ॥ रथः पञ्चवाही दक्षिणा ॥ आपो हि ष्ठा  
 मयोभुवस्ता न ऊर्जे दधातन । महे रणाय चक्षसे ॥ यो वः शिव-  
 तमो रसस्तस्य भाजयतेह नः । उशतीरिव मातरः ॥ तस्मा अरं

गमाम वो यस्य क्षयाय जिन्वथ । आपो जनयथा च नः ॥ आप्या-  
 यस्व समेतु ते विश्वतः सोम वृषायम् । भवा वाजस्य सङ्गथे ॥  
 पुष्पवतीः प्रसुमतीः फलिनीरफला उत । अश्वा इव सजित्वरीर्वीरु-  
 धः पारयिष्णवः ॥ गन्धद्वारां दुराधर्षां नित्यपुष्टां करीषिणीम् । ईश्व-  
 रीं सर्वभूतानां तामिहोपह्वये श्रियम् ॥ कर्मणे वां वानस्पत्यमसि  
 प्रत्युष्टं रक्षः प्रत्युष्टारातिः । उर्वन्तरिक्षं वीहि ॥ धूरसि धूर्व धूर्वन्तं  
 योऽस्मान्धूर्वति तं धूर्व यं वयं धूर्वामस्तं च धूर्व । देवानामसि वह्नि-  
 तमं सलितमं पप्रितमं जुष्टतमं देवहूतमम् ॥ विष्णोः क्रमोऽसि  
 अहुतमसि हविर्धानं हँहस्व मा हार्मित्रस्य त्वा चक्षुषा प्रेक्ष उरु  
 त्वा वाताय ॥ वसवस्त्वा धूपयन्तु गायत्रेण छन्दसाङ्गिरस्वत्  
 रुद्रास्त्वा धूपयन्तु त्रैष्टुभेन छन्दसाङ्गिरस्वत् आदित्यास्त्वा धूप-  
 यन्तु जागतेन छन्दसाङ्गिरस्वत् विश्वे त्वा देवा वैश्वानरा धूप-  
 यन्त्वानुष्टुभेन छन्दसाङ्गिरस्वत् ॥ इन्द्रस्त्वा धूपयन्तु वरुणस्त्वा  
 धूपयन्तु । विष्णुस्त्वा धूपयन्तु ॥ उद्वयं तमसस्परि ज्यातिष्पश्यन्त



उत्तरम् । देवं देवत्रा सूर्यमगन्म ज्योतिरुत्तमम् ॥ तेजोऽसि शुक्र-  
 मसि ज्योतिरसि धामासि प्रियं देवानामनाधृष्टं देवयजनं देवता-  
 भ्यस्त्वा देवताभ्यो गृह्णामि ॥ अध्वर्योऽयं यज्ञो अस्तु देवा ओषधी-  
 भ्यः पशुभ्यो मे धनाय । विश्वस्मै भूताय ध्रुवो अस्तु देवाः स पि-  
 न्वस्व घृतवदेव यज्ञ ॥ इहैवैधि माप च्योष्टाः पर्वत इवाविचाच-  
 लिः । इन्द्र इवेह ध्रुवस्तिष्ठेह यज्ञमु धारय ॥ इममिन्द्रो अदीधरद्  
 ध्रुवं ध्रुवेण हविषा हविः । तस्मै सोमो अधि युवत्तस्मा उ ब्रह्म-  
 णस्पतिः ॥ ध्रुवा द्यौर्ध्रुवा पृथिवी ध्रुवासः पर्वता इमे । ध्रुवं वि-  
 श्वमिदं जगद्भ्रुवो राजा विशामसि ॥ मही द्यौः पृथिवी च न इमं  
 यज्ञं मिमिक्षताम् । पिपृतान्नो भरीमभिः ॥ भळित्था पर्वतानां  
 खिद्रं विभर्षि पृथिवि प्र या भूमि प्रवत्वति महा जिनोषि महिनि ॥

नि शु सीद गणपते गणेषु त्वामाहुर्विप्रतमं कवीनाम् । न ऋते  
 त्वक्रियते किञ्चनारे महामकं मघवश्चित्रमर्च ॥ कुमारं माता  
 युवतिः समुन्धं गुहा विभर्ति न ददाति पित्रे । अनीकमस्य न मिन-



ज्जनासः पुरः पश्यन्ति निहितमरुतौ ॥ अश्वपूर्वां रथमध्यां हस्तिना-  
 दप्रमोदिनीम् । श्रियं देवीमुपह्वये श्रीर्मां देवी जुषताम् ॥ कांस्य-  
 स्मितां हिरण्यप्राकारामार्द्रां ज्वलन्तीं तृप्तां तर्पयन्तीम् । पद्मे स्थि-  
 तां पद्मवर्णां तामिहोपह्वये श्रियम् ॥ इयं शुष्मेभिर्विसखा इवारु-  
 जत्सानु गिरीणां तविषेभिर्जर्मभिः । पारावतघ्नीमवसे सुवृत्तिभिः  
 सरस्वतीमा विदासेम धीतिभिः ॥ विश्वकर्मा विश्वदेवो विश्वजिद्वि-  
 श्वदर्शतः । ते त्वा घृतस्य धारया श्रेष्ठ्याय समसूषत ॥ ब्रह्मा  
 देवानां पदवीः कवीनामृषिर्विप्राणां महिषो मृगाणाम् । इयेनो  
 गृध्राणां स्वधितिर्वनानां सोमः पवित्रमत्येति रेभन् ॥ प्र तद्विष्णुः  
 स्तवते वीर्येण मृगो न भीमः कुचरो गिरिष्ठाः । यस्योरुषु त्रिषु वि-  
 क्रमणेऽवधिक्षियन्ति भुवनानि विश्वा ॥ यो रुद्रो अग्नौ यो अप्सु  
 य ओषधीषु यो वनस्पतिषु । यो रुद्रो विश्वा भुवना विवेश तस्मै  
 रुद्राय नमो अस्तु देवाः ॥ अग्निमीळे पुरोहितं यज्ञस्य देवमृत्वि-  
 जम् । होतारं रत्नधातमम् ॥ इषे त्वोर्जे त्वा वायवः स्थोपायवः

स्थ देवो वः सविता प्रार्पयतु श्रेष्ठतमाय कर्मणे ॥ अग्र आ याहि  
 वीतये गृणानो हव्यदातये । नि होता सत्सि बर्हिषि ॥ शं नो दे-  
 वीरभिष्टय आपो भवन्तु पीतये । शं योरभि स्रवन्तु नः ॥  
 आहं पितॄन् सु विदत्राँ अवित्सि नपातं च विक्रमणं च विष्णोः ।  
 बर्हिषदो ये स्वधया सुतस्य भजन्त पित्वस्त इहागमिष्ठाः ॥ वष-  
 द्ते विष्णवांस आ कृणोमि तन्मे जुषस्व शिपिविष्ट हव्यम् ।  
 वर्धन्तु त्वा सुष्टुतयो गिरो मे यूयं पात स्वस्तिभिः सदा नः ॥  
 तद्विष्णोः परमं पदं ॥ वासुदेवाय नमः ८ ॥ यो रुद्रो अग्नौ०  
 भवाय देवाय नमः ८ ॥ गणानां त्वा गणपति० ॥ विनायकाय  
 नमः ८ ॥ चित्रं देवानां० ॥ हां ह्रीं सः सूर्याय नमः ८ ॥ जात-  
 वेदसे० ॥ अमायै नमः ८ ॥ यत इन्द्र भयामहे० ॥ अभयङ्करी  
 देव्यै नमः ॥ इह राष्ट्राधिपतये अमुक भैरवाय नमः ॥  
इन्द्रापर्वता बृहता रथेन वामीरिष आ वहतं सुवीराः । वीतं ह-  
 व्यान्यध्वरेषु देवा वर्धेथां गीर्भिरिलया मदन्ता ॥ अग्निः सप्ति



वाजम्भरं ददात्यग्निवीरं श्रुत्यं कर्मनिष्ठम् । अग्नी रोदसी वि चरत्स-  
 मञ्जन्नग्निनारीं वीरकुक्षि पुरन्धिम् ॥ यमो दाधार पृथिवीं व्यमो  
 द्यामुत सूर्यम् । यमाय सर्वमित्तस्थे यत्प्राणद्वायुरक्षितम् ॥ यं ते  
 देवी निर्ऋतिरावबन्ध पाशं ग्रीवास्वविचर्यम् । तं ते विष्याम्यायु-  
 षो नु मध्येऽधा विषितः पितुमऽद्धि प्रमुक्तः ॥ उदुत्तमं वरुण पाश-  
 मस्मदवाधमं वि मध्यमं श्रथाय । अथा वयमादित्य व्रते तवानाग-  
 सो अदितये स्याम ॥ वायवायाहि दर्शतेमे सोमा अरंकृताः ।  
 तेषां पाहि श्रुधी हवम् ॥ सोमो धेतुं सोमो अर्वन्तमाशुं सोमो  
 वीरं कर्मण्यं ददाति । सादन्यं वितथ्यं सभेयं पितृश्रवणं यो ददा-  
 श तस्मै ॥ राजाधिराजाय प्रसह्य साधने नमो वयं वैश्रवणाय  
 कुर्महे स मे कामान्कामकामाय मह्यं कामेश्वरो वैश्रवणो ददातु ।  
 कुवेराय वैश्रवणाय महाराजाय वै नमो नमः ॥ ईशानं त्वा शुश्रु-  
 मा वयं धनानां धनपते गोमदग्रे अश्ववद्भूरिपुष्टं हिरण्यवदन्नव-  
 दूधेहि मह्यम् ॥ दुहान्ते धौः पृथिवी पयो जगरस्त्वा सोदको विस-



र्पतु । प्रजापतिनात्मानमाग्रीणेऽरिक्तो म आत्मा ॥ यो रुद्रो अग्नौ  
 यो अप्सु य ओषधीषु यो वनस्पतिषु । यो रुद्रो विश्वा भुवना  
 विवेश तस्मै रुद्राय नमो अस्तु देवाः ॥ ब्रह्म जज्ञानं प्रथमं पुर-  
 स्ताद्वि सीमतः सुरुचो वेन आवः । स बुध्न्या उपमा अस्य विष्टाः  
 सतश्च योनिमसतश्च विवः ॥ वषट्ते विष्णवाः आ कृणोमि तन्मे  
 जुषस्व शिपिविष्ट हव्यम् । वर्धन्तु त्वा सुष्टुतयो गिरो मे यूयं पात  
 स्वस्तिभिः सदा नः ॥ नमो अस्तु सर्पेभ्यो ये के च पृथिव्याप्रधि ।  
 ये अन्तरिक्षे ये दिवि तेभ्यः सर्पेभ्यो नमः ॥ येषु वा यातुधाना ये  
 वा वनस्पतीरनु । येऽवटेषु शेरते तेभ्यः सर्पेभ्यो नमः ॥ ये वादो  
 रोचने दिवो ये वा सूर्यस्य रश्मिषु । येऽप्सु सदांसि चक्रिरे तेभ्यः  
 सर्पेभ्यो नमः ॥ धन्वना गा धन्वनार्जि जयेम धन्वना तीव्राः सम-  
 दो जयेम । धनुः शत्रोरपकामं कृणोति धन्वना सर्वाः प्रदिशो  
 जयेम ॥ अग्निस्तु विश्रवस्तमं तु विब्रह्माणमुत्तमम् । अतूर्तं श्रावय-  
 त्पति पुत्र ददाति दाशुषे ॥ आ कृष्णेन रजसा वर्तमानो निवेश-

यन्नमृतं मर्त्यं च । हिरण्ययेन सविता रथेना देवो याति भुवनानि  
 पश्यन् ॥ एवा वन्दस्व वरुणं बृहन्तं नमस्या धीरममृतस्य गोपाम् ।  
 स नः शर्म त्रिवरुथं वि यं सत्पातं नो व्यावापृथिवी उपस्थे ॥  
 या ते धामानि दिवि या पृथिव्यां या पर्वतेष्वोषधीष्वपसु । तेभि-  
 नो विश्वैः सुमना अहेळत्राजन्सोम प्रति हव्या गृभाय ॥ तं युवं  
 देवावश्विना कुमारं साहदेव्यम् । दीर्घायुषं कृणोतन ॥ अग्निर्मूर्धा  
 दिवः ककुत्पतिः पृथिव्या अयम् । अपां रेतोसि जिन्वति ॥ वषट्-  
 ते विष्णवासा आ कृणोमि तन्मे जुषस्व शिपिविष्ट हव्यम् । वर्धन्तु  
 त्वा सुष्टुतयो गिरो मे यूयं पात स्वस्तिभिः सदा नः ॥ बोधा सु  
 मे मघवन्वाचमेमां यां ते वसिष्ठो अर्चति प्रशस्तिम् । इमा ब्रह्म  
 सधमादे जुषस्व ॥ त्रातारमिन्द्रमवितारमिन्द्रं हवे हवे सुहवँ शूर-  
 मिन्द्रम् । हयामि शक्रं पुरुहूतमिन्द्रं स्वस्ति नो मघवा धात्विन्द्रः ॥  
 बृहस्पते अति यदयो अर्हाद्युमद्विभाति क्रतुमज्जनेषु । यद्दीदयच्छ-  
 वसर्तप्रजात तदस्मासु द्रविणं धेहि चित्रम् ॥ सरस्वतीं देवयन्तो



हवन्ते सरस्वतीमध्वरे तायमाने । सरस्वतीं सुकृतो अह्वयन्ते सर-  
 स्वती दाशुषे वार्यं दात् ॥ अन्नात्परिसुतो रसं ब्रह्मणा व्यपिब-  
 तक्षत्रम् । ऋतेन सत्यमिन्द्रियं विपानं शुक्रमन्धस इन्द्रस्येन्द्रिय-  
 मिदं पयोऽमृतं मधु ॥ प्रजापते न हि त्वदन्य एता विश्वा जातानि  
 परि ता बभूव । यत्कामास्ते जुहुमस्तन्नो अस्तु वयं स्याम पतयो  
 रयीणाम् ॥ शं नो देवीरभिष्टय आपो भवन्तु पीतये । शँ योरभि  
 स्रवन्तु नः ॥ गणानां त्वा गणपति हवामहे कवि कवीनामुपम-  
 श्रवस्तमम् । ज्येष्ठराजं ब्रह्मणां ब्रह्मणस्पत आ नः शृण्वनूतिभिः  
 सीद सादनम् ॥ कया नश्चित्र आ भुवदूती सदावृधः सखा । कया  
 शचिष्टया वृता ॥ आ वो राजानमध्वरस्य रुद्रं होतारं सत्ययजं  
 रोदस्योः । अग्नि पुरा तनयितोरचित्ताद्विरण्यरूपमवसे कृणवध्वम् ॥  
 केतुं कृणवन्नकेतवे पेशो मर्या अपेशसे । समुषद्विरजायथाः ॥ को  
 अद्य युङ्क्ते धुरि गा ऋतस्य शिमीवतो भामिनो दुर्हणायून । आ-  
 सन्निपून्हत्स्वसो मयो भून्य एषां भृत्यामृणधत्स जीवात् ॥ ध्रुवा



द्यौर्ध्रुवा पृथिवी ध्रुवासः पर्वता इमे । ध्रुवं विश्वमिदं जगद्ध्युवो  
 राजा विशामयम् ॥ आदित्यं गर्भं पयसा समञ्जनसहस्रस्य प्रति-  
 मां विश्वरूपम् । परिवृद्धिं हरसा माभिमंस्थाः शतायुषं कृणुहि  
 चीयमानः ॥ अगस्त्यः खनमानः खनित्रैः प्रजामपत्यं बलमिच्छमा-  
 नः । उभौ वर्णावृषिरुग्रः पुषोष सत्या देवेष्वशिषो जगाम ॥  
 अमीवहा वास्तोष्पते विश्वा रूपाण्याविशन् । सखा सुशेव एधि  
 नः ॥ वास्तोष्पते प्रति जानीह्यस्मान्त्स्वावेशो अनमीवो भवानः ।  
 यत्त्वेमहे प्रति तन्नो जुषस्व शं नो भव द्विपदे शं चतुष्पदे ॥ वा-  
 स्तोष्पते प्रतरणो न एधि गयस्फानो गोभिरश्वेभिरिन्दो । अजरास-  
 स्ते सख्ये स्याम पितेव पुत्रान्प्रति नो जुषस्व ॥ वास्तोष्पते शग्म-  
 या संसदा ते सक्षीमहि रणवया गातुमत्या । पाहि क्षेम उत योगे  
 वरं नो यूयं पात स्वस्तिभिः सदा नः ॥ राकामहं सुहवां सुष्टुतीं  
 हुवे शृणोतु नः सुभगा बोधतु त्मना । सीन्यत्वपः सूच्याच्छिद्य-  
 मानया ददातु वीरं शतदायमुक्थ्यम् ॥ यास्ते राके सु मतयः सु-

पेशसो याभिर्ददासि दाशुषे वसूनि । ताभिर्नो अद्य सुमना उपा-  
 गहि सहस्रपोषं सुभगे रराणा ॥ सिनीवालि पृथुष्टुके या देवाना-  
 मसि स्वसा । जुषस्व हव्यमाहुतं प्रजां देवि दिदिङ्ढि नः ॥ या  
 सुबाहुः स्वंगुरिः सुषूमा बहुसूवरी । तस्यै विश्वपत्न्यै हविः सिनी-  
 वाल्यै जुहोतन ॥ या गुंगूर्या सिनीवाली या राका या सरस्वती ।  
 इन्द्राणीमह ऊतये वरुणानीं स्वस्तये ॥ इन्द्राणीमासु नारिषु सुप-  
 तीमहमश्रवम् । नह्यस्या अपरं च न जरसा मरते पतिर्विश्वस्मादि-  
 न्द्र उत्तरः ॥ नाहमिन्द्राणि रारण सख्युर्वृषाकपेर्ऋते । यस्येदमप्यँ  
 हविः प्रियं देवेषु गच्छति विश्वस्मादिन्द्र उत्तरः ॥ कुहूमहँ सुकृतं  
 विघ्ननापसमस्मिन्यज्ञे सुहवां जोहवीमि । या नो ददाति श्रवणं  
 पितॄणां तस्यै ते देवि हविषा विधेम ॥ कुहूर्देवानाममृतस्य पत्नी ह-  
 व्या नो अस्य हविषः शृणोतु । स्वसा देवानां महयन्त्यस्मे राघ  
 स्पोष चिकितुषे दधातु ॥ धाता ददातु नो रयिमीशानो जगतस्प-  
 तिः । स नः पूर्णेन वावनत् ॥ प्रजापतीरमयतु प्रजा इह धाता द-



धातु सुमनस्यमानः । संवत्सर ऋतुभिश्चाकल्पानो मयि पुष्टि पुष्टि-  
 पतिर्दधातु ॥ देवासुराणामार्षम् ॥ तव श्रिये व्यजिहीत पर्वतो गवां  
 गोत्रमुदसृजो यदङ्गिरः । इन्द्रेण युजा तमसा परीवृतं बृहस्पते नि-  
 रपामौञ्जो अर्णवम् ॥ बृहस्पते अति यदयो अर्हाद्द्युमद्विभाति  
 ऋतुमज्जनेषु । यदीदयच्छवसर्तप्रजात तदस्मासु द्रविणं धेहि चित्रम् ॥  
 बृहस्पतिः समजयद्वसूनि महो ब्रजान्गोमतो देव एषः । अपः  
 सिषासन्त्स्वरप्रतीतो बृहस्पतिर्हन्यमित्रमर्कैः ॥ यमो दाधार पृथि-  
 वीं यमो द्यामुत सूर्यम् । यमाय सर्वमित्तस्थे यत्प्राणद्वायुरक्षितम्  
 यथा पञ्च यथा षड्यथा पञ्च दशर्षयः । यमं यो विद्यात्स ब्रूयाद्यथै-  
 कर्षिर्वि जानते ॥ त्रिकटुकेभिः पतति पटुर्वीरेकमिद्वृहत् । गाय-  
 त्री त्रिष्टुप्छन्दांसि सर्वा ता यम आहिता ॥ मृळा नो रुद्रोत नो  
 मयस्कृधि क्षयद्वीराय नमसा विधेम ते । यच्छं च योश्च मनुरायेजे  
 पिता तदश्याम तव रुद्र प्रणीतिषु ॥ अश्याम ते सुमति देवयज्यया  
 क्षयद्वीरस्य तव रुद्र मीढुः । सुम्ना यन्निद्विशो अस्माकमा चरारिष्ट-



वीरा जुहवाम ते हविः ॥ त्वेषं वयँ रुद्रं यज्ञसाधनं वङ्कुं कविम-  
 वसे नि ह्वयामहे । आरे अस्मद्दैव्यं हेळो अस्यतु सुमतिमिद्वयम-  
 स्या वृणीमहे ॥ अव ते हेळो वरुण नमोभिरव यज्ञेभिरीमहे हवि-  
 र्भिः । क्षयन्नस्मभ्यमसुर प्रचेता राजन्नेनाँसि शिश्रथः कृतानि ॥  
 उदुत्तमं वरुण पाशमस्मदवाधमं वि मध्यमं श्रथय । अथा वय-  
 मादित्य व्रते तवानागसो अदितये स्याम ॥ इमं मे वरुण श्रुधी  
 हवमद्या च मृळय । त्वामवस्युराचके ॥ तत्त्वा यामि ब्रह्मणा वन्दमा-  
 नस्तदाशास्ते यजमानो हविर्भिः । अहेळमानो वरुणेह बोध्युरु-  
 शंस मा न आयुः प्र मोषीः ॥ महाव्याहतयः प्रजापतेः ॥  
 ॐ भूर्लोकाय नमः । ॐ भुवोलोकाय नमः । ॐ स्वर्लोकाय नमः ।  
 ॐ भूर्भुवः स्वर्लोकाय नमः । अग्निर्मूर्धा दिवः ककुत्पतिः पृथिव्या  
 अयम् । अपां रेताँसि जिन्वति ॥ उभा वामिन्द्राग्नी आहुवध्या  
 उभा राधसः सह मादयध्वै । उभा दाताराविषां रयीणामुभा  
 वाजस्य सातये हुवे वाम् ॥ अयमिह प्रथमो धायि धातुभिर्होता

यजिष्ठो अध्वरेष्वीज्यः । यमप्रवानो भृगवो विरुरुचुर्वनेषु चित्रं  
 विभवं विशे विशे ॥ अयं ते योनिर्ऋत्वियो यतो जातो अरोचथाः ।  
 तं जानन्नग्न आरोह ततो नो वर्धया रयिम् ॥ स्तोमो देवानाम् ॥  
 उपप्रयन्तो अध्वरं मन्त्रं वोचेमाग्नये । आरे अस्मे च शृण्वते ॥  
 अस्य प्रत्नामनु द्युतं शुक्रं दुदुहे अहयः । पयः सहस्रसामृषिम् ॥  
 आरुणेः । कदाचन स्तरीरसि नेन्द्र सश्वसि दाशुषे । उपोपेन्नु मघ-  
 वन्भूय इन्नु ते दानं देवस्य पृच्यते ॥ परि ते दूळभो रथोऽस्माँ  
 अश्रोतु विश्वतः । येन रक्षसि दाशुषः ॥ रक्षोहणं वाजिनमा जि-  
 घर्मि मित्रं प्रथिष्टमुप यामि शर्म । शिशानो अग्निः क्रतुभिः समि-  
 द्धः स नो दिवा सरिषः पातु नक्तम् ॥ प्रत्यग्रे हरसा हरः शृणीहि  
 विश्वतः प्रति । यातुधानस्य रक्षसो बलं वि रुज वीर्यम् ॥ यत  
 इन्द्र भयामहे ततो नो अभयं कृधि । मघवञ्छग्धि तव तं न ऊति-  
 भिर्विद्विषो विमृधो जहि ॥ ये देवा दिव्येकादश स्थ पृथिव्यमध्येका-  
 दश । अप्सुषदो महिनैकादश स्थ ते देवासो यज्ञमिमं जुषध्वम् ॥



क्षेत्रस्य पतिना वयं हितेनेव जयामसि । गामश्वं पोषयित्वा स नो मू-  
 ळातीदृशे ॥ क्षेत्रस्य पते मधुमन्तमूर्मिं धेनुरिव पयो अस्मासु युद्धे ।  
 मधुश्च्युतं घृतमिव सु पूतमृतस्य नः पतयो मृळयन्तु ॥ मधुमती-  
 रोषधीर्वाव आपो मधुमन्नो भवत्वन्तरिक्षम् । क्षेत्रस्य पतिर्मधुमानो  
 अस्त्वरिष्यन्तो अन्वेनं चरेम ॥ भूतो भूतेषु चरति प्रविष्टः स भूता-  
 नामधिपतिर्बभूव । तस्य मृत्युश्चरति राजसूयं स राजा राज्यमनुम-  
 न्यतामिदम् ॥ उर्वी रोदसी वरिवः कृणोतु क्षेत्रस्य पत्नीरधिवोचतं नः ।  
 स्तौमि व्यावापृथिवी नाथितो जोहवीमि ते नो मुञ्चतमंहसः ॥ यो ह वै  
 देवान्साध्यान्वेद सिध्यत्यस्मादेमिमावलोकाः । देवाः साध्याः सिद्धं  
 ह्यस्यै सिद्धमस्मै सिद्धममुष्यै य एवं वेद सिद्ध्यत्यस्मै ॥ यो विश्व-  
 चक्षुरुत विश्वतो मुखो विश्वतो हस्त उत विश्वतस्पात् । सम्बाहुभ्यां  
 नमते संय्यजत्रैर्वावापृथिवी जनयन्देव एकः ॥ यस्य व्रतमुप तिष्ठन्त  
 आपो यस्य व्रते पशवो यन्ति सर्वे । यस्य व्रते पुष्टिपतिर्निविष्टस्तं  
 सरस्वन्तमवसे जोहवीमि ॥ गौरीर्मिमाय सलिलानि तक्षत्येकपदी



द्विपदी सा चतुष्पदी । अष्टापदी नवपदी बभ्रुवुषी सहस्राक्षरा परमे  
 व्योमन् ॥ दिव्यं सुपर्णं वायसं बृहन्तमपां गर्भं दर्शतमोषधीनाम् ।  
 अभीपतो वृष्टिभिस्त्पर्षयन्तं सरस्वन्तमवसे जोह्वामि ॥ सरस्वतीं देव-  
 यन्तो हवन्ते सरस्वतीमध्वरे तायमाने । सरस्वतीं सुकृतो अह्वयन्ते  
 सरस्वती दाशुषे वार्यं दात् ॥ सरस्वत्यभि नो नेषि वस्यो माप स्फुरीः  
 पयसा मा न आ धक् । जुषस्व नः सरस्या वेद्या च मा त्वत्क्षेत्राण्य-  
 रणानि गन्म ॥ पावका नः सरस्वती वाजेभिर्वाजिनीवती । यज्ञं बभ्रु-  
 धियावसुः ॥ चोदयित्री सृवृतानां चेतन्ती सुमतीनाम् । यज्ञं दधे सर-  
 स्वती ॥ महो अर्णः सरस्वती प्र चेतयति केतुना । धियो विश्वा वि-  
 राजति ॥ अश्विनं यजामहे सुगन्धि पुष्टिवर्धनम् । उर्वारुकमिव बन्ध-  
 नान्मृत्योर्मुक्षीय मामृतात् ॥ जातवेदसे सुनवाम सोममरातीयतो  
 नि दहाति वेदः । स नः पर्षदति दुर्गाणि विश्वा नावेव सिन्धुं दुरि-  
 ताल्यग्निः ॥ ये के च उमा महिनो अहिमाया दिवो जज्ञिरे अपां स-  
 धस्थे । ते अस्मभ्यमिषये विश्वमायुः क्षप उस्मा वरिवस्यन्तु देवाः ॥

मुञ्चामि त्वा हविषा जीवनाय कमज्ञातयक्ष्मादुत राजयक्ष्मात् ।  
 ग्राहिर्जग्राह यदि वैतदेनं तस्या इन्द्राग्नी प्र मुमुक्तमेनम् ॥ स सुष्टु-  
 भा स ऋक्ता गणेन बलं रुरोज फलिगं रवेण । बृहस्पतिरुस्रिया  
 हव्यसूदः कनिकदद्वावशतीरुदाजत् ॥ एवा पित्रे विश्वदेवाय वृष्णे  
 यज्ञैर्विधेम नमसा हविर्भिः । बृहस्पते सुप्रजा वीरवन्तो वयं स्याम  
 पतयो रयीणाम् ॥ यौ ते श्वानौ यम रक्षितारौ चतुरक्षौ पथिरक्षी  
 नृचक्षसौ । ताभ्यामेनं परि देहि राजन्तस्वस्ति चास्मा अनमीवश्च धेहि ॥  
 यत्र वेत्थ वनस्पते देवानां गुह्या नामानि । तत्र हव्यानि गामय ॥  
 अन्विदनुमते त्वं मन्यासै शं च नस्कृधि । इषं तोकाय नो दधः प्र  
 ण आचूषि तारिषः ॥ यत्ते नाम सुहृदं सु प्रणीतेऽनुमतेऽनुमतं सदा  
 नु । तेन त्वं सुमतिं दिव्यं मे इषं पिन्वं विश्ववारं सुवीराम् ॥ अङ्गाद-  
 ङ्गाल्लोमो लोमो जातं पर्वणि पर्वणि । यक्ष्मं सर्वस्मादात्मनस्तमिदं वि  
 वृहामि ते ॥ ॐ भूर्भुवः स्वस्तत्सवितुर्वरेण्यं भर्गो देवस्य धीमहि धियो  
 यो नः प्रचोदयात् ॥ तद्विष्णोः परमं पदं सदा पश्यन्ति सूरयः ।



दिवीव चक्षुराततम् ॥ तद्विप्रासो विपण्यवो जागृवांसः समिन्धते ।  
 विष्णोर्यत्परमं पदम् ॥ ऐन्द्राग्रं वर्म बहुलं यदुग्रं विश्वे देवा नाति  
 विध्यन्ति शूराः । तन्नस्त्रायतां तन्वः सर्वतो महदायुष्मन्तो जरा-  
 मुपगच्छेम जीवाः ॥ अमृतेशमुद्रयाऽमृतीकृत्य अमृतमस्तु अमृता-  
 यतां नैवेद्यम् । सावित्राणि सावित्रस्य देवस्य त्वा सवितुः प्रसवे-  
 श्विनोर्वाहुभ्यां पूष्णो हस्ताभ्यामाददे ॥ महागणपतये इत्यादि०  
 हेरुकादिभ्यो वटुकादिभ्यः ( तण्डुलदधिमधुमात्रामधुपर्क ) नैवेद्यं  
 निवेदयामि नमः ॥ हिरण्यगर्भः० यः प्राणतो० य उजोदा० येन  
 द्यौरुग्रा० य इमे द्यावा० यस्येमे विश्वे० आपो ह० आ नः प्रजा० ॥  
 अर्चन्तस्त्वा हवामहेऽर्चन्तः समिधीमहि । अग्रे अर्चन्त उतये ॥  
 अर्चत प्रार्चत प्रियमेधासो अर्चत । अर्चन्तु पुत्रकामा उत पुरं न  
 धृष्ववर्चत ॥ इति कलशपूजोपयोगि ऋचकं समाप्तम् ॥

अत्र संस्कर्ता गणेशघाट्टवास्तव्यः कल्लेत्युपाह्वः

पण्डित नाथराम शास्त्री





